

金華黃先生文集

一



據上海圖書館藏元刻本影
印原書版框高二十三·三
釐米寬十四·六釐米

黃學士文集序



翰林侍講學士金華黃先生文集總四十三卷其初稟二卷則
末第時作監察御史川危素所編次續彙四十卷則皆登第
後作明人王生宋生所編次也先生之文章刮剝深雪如明珠
白璧藉以鍊綺讀之者但見其光瑩而含蓄華縟而粹溫令人
愛玩歎息之不已而不知其致力之勤用心之苦也故其見諸
朝廷簡冊之紀載山林泉石之詠謠無不各得其體而極其趣
以自成一家之言不既甚盛矣乎余嘗論之文章與世運同為
盛衰或百年或數十年輒一見焉先生當科目久廢之餘文治
浸興之日得大肆力於為己之學以擅名于海內雖其超見卓
識有以異於人其亦適值世運之一盛也耶譬諸山川之風氣
草木之花實息者必復斁者必榮蓋亦理勢之必然者夫豈偶

有學士文集序

然而已哉先生領延祐甲寅鄉薦分文靖公實為考官於師泰
有契家之好其後同居史館又同侍 經筵文該為尤篤比庶
問閩南過金華得先生之集於王生故叙而授之三山學官俾
刻梓以惠耒學先生登進士第授將仕郎台州寧海縣丞歷石
堰場監運諸暨州判官浮沈州縣幾二十年始入翰林應奉文
字尋丁外艱服除改國子博士居六年以太夫人春秋高乞外
補遂提舉江浙儒學年六十有四竟辭祿歸養以中順大夫秘
書少監致仕及終大夫人喪年已踰七十矣復被 召為翰林直
學士兼 經筵官陞侍講學士中奉大夫同知 經筵事數告
老不許久迺得謝去今年七十又九猶康強善飲啖援筆騁馳
如壯歲去至正十五年十月既望朝散大夫福建閩海道肅政
廉訪使宣城貢師泰序

飲酒莫盡醉盡醉無餘懽讀書莫弔古弔古多悲酸蕭艾蔽中
野白露摧芳蘭鳳飢不得死鴟梟食琅玕去去復去去采芝青
雲端

人事如草木

人事如草木一氣榮悴之外物何預人而寘喜與悲堂堂異姓
王昔者跨下兒窮通本解后達者固不疑阮生亦隘人慟哭真
奚爲

煌煌明月珠

煌煌明月珠未害居濁水君看黃河黃豈解污清濟我方遺吾
形寵辱齊一指懸知破琴戴未若搯樞禰

微雲翳白日

微雲翳白日羣動何喧喧嗚呼麒麟兒化爲猴與猿登高望四
荒但見黃河奔誰哉泝其流與我歸崑崙萎蕤青桂花霜霰日
已繁豈不有桃李對之可忘言

古意

荆人初得玉斲足辭巖阿持獻萬乘君君門正嗟峨誰其尸國
工譟以石見訶迷邦誠不忍欺君反同科臣口不自明臣心終
靡它抱璞重再拜呼天淚滂沱淚盡血可續玉在良已多是事
古則然嗚呼今柰何

連雨襟書五首

蕭蕭十日雨出門竟何之不愁道路難所懼沾我衣悠悠看屋
梁作計誠已非有酒不解飲且遂哦吾詩
昔慕栗里翁頗復志耕耘偶入翰墨場把筆學爲文偃蹇獨何
成喧啾浪云云念彼荷蓑子窮年愧其勤

虛堂坐無言，繾綣悲宿昔。常時眼中人，已如不相識。剝琢者誰子，令我喜折屐。忽去已莫追，一咲岸玄憤。

我思仇山人，山川莽回互。十書九不到，木葉歲頻暮。頗聞近移居，併失夢中路。得無挈妻兒，倒載入山去。

今日曷不樂，孤恨無與酬。兀坐把書卷，展玩不自休。借問誰所為，其人已千秋。山雨政可聽，撥書置牀頭。

晚晴

洩雲散積雨，林木含餘清。披衣有奇懷，偶從林叟行。新晴遠峯麗，夕陰孤花明。曠日固所虞，聊茲息營營。

夜歸

空山四寨寒，落日翳榛莽。蜿蜒草中逕，躡屩度寒雨。楠杉窈深黑，忽忽疑伏虎。林窮澗水明，稍聽歸人語。

讀忠簡宗公遺事

公初起滄陽，艱危屬多壘。蒼然國家意，委身干戈裏。陰飈卷翠華，朔雪被南紀。悠悠虞淵日，力盡揮不止。寅恭秉齋鉞，際會開朱邸。長安付馮異，漢業中興始。宮庭數汎掃，蹕路無荆杞。疚心望鑿興，感激涕如水。上表方出師，嗚呼孔明死。宴安不可懷，肉食母乃鄙。臣舟竟未焚，三語猶在耳。蕭然舊祠下，碧草垂階屺。登堂挹先儀，志駟仍几几。千年墮淚碑，一夫敢殘毀。傳家有遺書，叙事非虛美。勗哉慎失墜，庶以裨信史。

陪諸老夜飲

世故不可料，忽若浮雲移。坐令百年內，顛倒殊懽悲。願惟我與公，異代同一時。覽古既深慨，撫今亦餘噫。長川玄悠悠，青山暮委蛇。向來遠遊意，我行方遲遲。咄哉有志士，卒歲恒寒飢。况復

託渺茫欲與千載期盈虛信天運癡興豈人為
願公姑舍是
一觴聊可持

晚行湖上

晚行重湖曲旭日青林半霧露寒未除鳧鷖靜初散
寅緣際餘景閃條多遺玩會心乍有得撫已還成歎
夙予丹霞約久茲芳洲畔獨往願易違離居歲方換
沙暄芷葦動春遠川華亂存聊窅窅取遣豈爛漫小
隱倘見招漁樵共昏旦

西峴峯

層雲抱春岑急瀨洩嵌竇俯蹊入窈窕衆綠蔚以茂
名亭標水樂柱折荒碑仆幽尋得緇廬亂石跣結構
青精午堪飯碧澗寒可漱平生慕真賞及此成解后
冥摠摠絕頂有路忽通透緣蘿度蒙密翠氣濕衣袖
寄身萬物中下睨人寰陋清謠襟風竹大嘯落巖狖
東峰在眉睫可望不可就同遊如何時瑤艸春已秀

夜興三首

秋氣入病骨殘夢脩然驚芭蕉葉間露風過皆成聲
攬衣泐窠內搔首天河橫飢蛩語不休中宵誰汝令
孤鴻亦何苦犯霜度微明悠悠念羣動百感忽我并
大化倘不爾吾其免營營

寒星挂疎林夜色翳餘暝雞聲驅行客出門路方永
亦有山中
人熟睡方未醒而我立於獨婆娑玩光景一咲天宇
青此意君
自領

舉頭見殘月葉脫知深秋今我曷不樂歲月如驚鷗
常憐古志士辛苦歌飯牛空山夜漫漫政合秉燭遊
臨風振吾衣蕭瑟不得留小立殊復佳澗水鳴幽幽

陳生詩

陳生少也孤秉志何軒軒讀書奉慈母承顏郁春溫兀然處
下不間晨與昏叢叢萬井中陳生深閉門暉暉百花時陳生不
窺園常恐去左右或乖覆育恩一朝抱長痛飛霜墮秋萱鹽酪
不入口日夜涕翻盆欲娶弗及養矢言終不昏尚賴百歲後兄
子父而孫朝來遊子衣忽逐東風翻世方醉糟粕何庸薦犧尊
陳生頌謂我是事安足論幸託山水窟放情詠蘭蓀嗟今學步
者觸險爭飛奔願爾利鋤鏗深斲六籍根願爾進竿舳高沂百
聖源源長流自遠根大枝乃蕃勿搖崔嵬筆許作礪魄言弘惟
孝與弟百行茲其元咄哉行勿休日月方沄沄贈言豈予敢情
真覺辭繁匪為陳生祭庶感薄俗敦

述懷

端居有多感求志無餘營夙違金門路緬愛丹丘名謬忝君子
頌捧身厠羣英卑榻念遠引窘步迷先征俛默敦宿尚低徊阻
平生伏枕勸中夜攬衣寄遐情上天廓澄穆列宿揚光晶俯視
林木改仰悲鴻鳴跂子秉微素十年守柴荆希世垂近務慕隱
餘衷誠願言良時晚庶保幽人貞

寄方子踐子發

窮居悵無遂徂歲聿載陰飛翹隕芳華候蛩厲哀音曾聽扇叢
薄泫露栖喬林撫景慨往古端操思繼今折蘭間幽佩解纓濯
清潄石林宵窅舊桂栢鬱蕭森遺世豈余敢匡時非我任覽已
謝高軌即事念所欽纏綿阻道里緬邈眺崗岑委懷竚芳訊貽
好在規箴

寄俞子易

聞居冥歛豫枉駕竹周旋清言邁脩夜朱火銷餘烟嘉會良不

易鬱抱罄所宜揆余徇微業春冬屢徂遷著微作往哲馳芳謝
時賢瞻茲企三益揮袂增慨然杪秋漶且厲郊圻曠阡眠振鷗
捲飛蓬積霧迷遐川契濶歲復流瞻望情所牽存期尚勿奪輔
仁庶不謬紫芝無新曲白駒有遺篇矢心遂拓要贈言比芳荃

東園晚歸

泖忍嬰近務超遙愛佳辰興言望東菑良苗藹津津鄙人昧時
趨曠途夙所遵幸遠藉組累稍欣田圃隣兀兀登故畦悠悠睇
城闌理穢出新竹撼枯落荆薪夕日逗遠川餘暉散衣巾疊疊
物變依依念農人渠渠長者惻惻非賤貧

送凌吉叟杭州教授

浙水西八州維杭寔名都古來萬人海逐逐無賢愚况茲百年
後溥朴古不如翩翩誰家兒白馬驕路隅春風煥樓醉一笑百
斛珠亦有朱門家齊謳聞吳歛綃綺散烟霧縵絲被僮奴可憐
彼蚩蚩以爲紅塵驅頽俗如波瀾孰障羣流趨又如敗屋辟風
雨須人扶博士非冗官豈即無良圖當令歌舞場化作弦誦區
行矣徇所務辭章信其餘春風揅別衣晴沙秀寒蘆何以贈子
行白雲不可呼聊持狂者言用比貂襜褕

送朱仲山之京

騏驎出渥洼注意欲周八極芻豢豈不多未便甘伏櫪念君抱耿
耿坐視暄涼易忽辭白髮親去作青雲客應恐鄧仲華咲尔長
寂寂鄙人屬有念未辦經世策青燈兩如綫窮巷方偏仄懸知
操斧斤不必睨擇爨任哉布汝懷庶用副前席勿云萬戶侯自
可談咲覓百年滔滔內岐路足南北出處會有為聚散奚暇惜
歌我辛苦詞送子遠行假嶢嶢壯士志慘澹遊子色那無平生

期慎爾保金石莫將賈生淚先為離別滴

贈葉審言別

昔人稱好士乃有黃金臺黃金亦何物願用驕賢才葉君被短
褐志力何雄哉北斗叫閭闔紅雲指崔嵬終然無尚售自保同
嬰孩車服非吾榮黃金直浮埃十年今何官茅屋歌蒼苔豈無
琅玕樹鳳飛故低徊一朝脫身玄歛觀雲路開葉君善自愛往
矣無嫌猜迷邦古所誚豈弟貴不回願言吐奇骨落落排風雷
尚念窮賤者衡門守蒿萊

舟中偶書

我舟合江滸水清石額額念此殊可嬉如何有侵沙頭白髮翁
捫蝨了晨夕茅茨八九椽終歲閱過客

曉望

城頭鷓鳴曙起坐理冠幘開窻寫遙望烟霧竟川澤喧喧市聲
動漠漠井氣白如何山中人歲莫塵埃客

晚泊釣臺下

四山環一水遺臺故巖屹那無漁樵居政復不敢安舍舟不敢
兩憑軒俯清灣念昔乘興來無從寄遊觀今我有行役乃尔容
躡攀山靈豈愛我為解塵土顏落日真蘋藻清風聞珮環幽尋
不可極林暝吾當還却去望層碧孤舟生晚寒

登鍾山最高頂以三山半落青天外為韻得天字

平陸湧千里茲山乃穹然猶憐布地金未即離喧闐巖液散珠
琲春崗走蜿蜒稍欣涉幽邃登頌衣屢蹇路細石礧礧崖深竹
娟娟洞扉剝開敞峻峯指中天真探歷嶽壑垂蘿弱容牽碧潭
隱光恠華雨標崇筵下睨飛鳥背茫茫但蒼烟眇默玄圃期連

涼雲嶠篇休駕將未能惆悵春風前

休日集于城南

投耒從遠遊牽世乖明略豈不有簡書未能置丘壑崇崗近盤
互春物紛照灼休沐集諸彦迂趾惠前諾稍空林中尊復詠霞
上作迢迢歷墟壘靡靡瞰城郭俯楊蔭晴渚野櫻散朱萼撫時
悼推斥畢景鶴栖託損益向子明才能賈生薄嗟言觀歲寒無
將媿場藿

十忠貞公墓

江左矣其御強臣玩天誅歡娛一以乖狂獬無欵趨黃屋播章
野彤庭交劍及事樞始誰棄捧手如奔狐偉茲百世士死與二
子俱孤哀耿未沐足以孚豚魚義旗果東指白日開天衢孰震
撥亂功之人或其徒伊昔大雅廢清言鄙文儒未棄已橫委衣

冠尚舒徐屹然見砥柱獨障狂瀾起高風邀難攀捐生乃區區
青簡嶺遺烈蒼榛閔幽墟日夕悲吹多天高年運徂世方用勦
敵猶將愧玄虛江濤渺在望雪涕空漣如

制使馬公祠堂

朔風破滄溟白浪無餘地可憐甘棠樹乃尔能殺蒂借問誰所
遺馬公古能吏當年印累累庶務劇千緡藏龜不待灼駟駿無
留轡偏反兵馬區藹然承平意宴安亦聊爾國步方不易至尊
久膏膳壯士顛烈昔煌煌青冥鉞可同牛刀試嗚呼豪俊人竟
偃風雲志致身豈云卑生世已其季安知潁川守遂非廟堂器
巖祠閑寂寂古木含蒼翠平生辦香祝母廼兒女事如何百載
下能隨看碑淚永惟茂陵翁苦心抱天藝力耘宜有收電勉觀
未裔渠渠桑梓恭喋喋市井議庶哉瞻前脩樹德母自畏

送人赴廬陽學官

播非人物居潭陽實其隣荒淫襍巫鬼哀怨餘騷臣念子有行
侵水陸弥數旬乃知臯比座佇承文翰賓邀徼指天末男邦控
城闔俎豆當在列冠裳定來臻足明理化盛演溢周窮垠廣陌
望八荒出車日麟麟蠻荆孰無遣忠信惟書紳簡書有程期取
別無送巡揚鏢觸炎熱振鐸驚遠人沅水春蕩滿楚峯暮嶙峋
行行慎其度離別何苦辛

發金陵留別一二同志

盛名不易居直道我所遵雖在嘉遯志未渝白圭言罷釣出滄
海迴帆遡江濱城闔遠滅沒風水屢崩奔蕭條故交地愴恨遊
子魂始雷茂陽澤孤生限窮鱗沉翔自殊勢衰榮實同根戰勝
物可遺目擊道已存乘桴詎無取絕弦難具論寄言同心子毋

待念加飡

龍灣夜泊

乘潮出遠浦日暮北風平高亭不可望遙遙鼓笳聲月明寒鴈
下江空夕烟生非關川途念沉憂坐自盈

敬亭山

昔窺謝公作今陟敬亭寺徵素忻始遊賞勝資深詣脩脩綠水
木宛宛交蹊術綠縹澗州豐幽颺松颺駛微鍾響沓障高閣浮
花氣聿熏旃檀妙豈愛巖壑媚憑生實內惕即事多冥契息陰
睽杉檟蹇芳懷芝桂海岳期屢遷石林路深闕經營乖道要迫
窄餘物累稽首調御尊尚飲無生惠

宿雲黃山作

東籟弄文史挂席玄瀛壖解后垂良會擯落迨茲年息景念生

理洗心賓象筵恭惟上皇代異人秘靈詮宗師既逾海茲山亦
棲賢金棺滅靈樹寶篋絨紅蓮仰窺攝誘功信知願力堅內愧
實非薄冥通未精專褰裳碧峯雨赫香石林烟綵翠何紛糾苔
澗宵洄沿尋幽匪外適蘊真冀重宣二邊維有無五濁空腥膻
豈伊哉頃用庶謝平生緣

重登雲黃山

茲山寶靈奇吐納變舒慘太常關弗錄名紳何黥黥重華秩山
川盛典軼封臧菟遺侈綸綉縹潔羅醢醢腐儒世所貸薄藝守
鉛槧無能旅駿奔徒取肆遊覽霖潦時始收天地餘藹曠嵐光
乍璘璣石狀終黠黠行行志芒屨徃徃得蛙坎冒進誠近貪自
畫將豈敢久之累埃豁秀色生可攬青焚柿鋒鏑翕艷披齒苗
崖奔馬駢駢石泥廟耽耽高車扣大路幽曠極玄窟前行築台

責學士之集卷一

背後或兩髭髭緣崗既蹉踈登嶺仍輜輶舉頭塔廟涌地平忽
如毯天人所食息瓊玖化餘糝林輝寶燈燒風語金鐸撼敗壁
詩者誰漬墨亂濃淡險盡乃更佳疫極復何憾是節蕤賓初野
薦首昌歎煮瀑茶可斲剖石窠堪散名談析毫髮苦語瀝肝膽
理冥心自珍機湊首屢鎮陽烏若西翥衆色齊慘澹崔嵬識梗
楠蒼莽辨葭莫投僧所寰鍾鏜鼓絕絕羣居肅不吳共飯聲
有噴迴睨夸奪塲撫事叢首感超名蛾赴燭逐利魚投檣何時
脫火宅霍若鬣去領綺言息誦誦妙供奉醢醢於焉寄相羊庶
以忘坎壈誰云入道苦餘味需橄欖

秋夜觀書作

閒居感時駛獨學難為功眷言忘古人幽懷極冲冲秉燭起中
夜攬卷來清風恭惟千載心皎潔慙無窮飛仙自升降世道非

汙隆後來亦奚爲黑白紛紛相攻芳華乍可悅軟轅何由通吾將
離言說庶以觀其同所憂明爲累不濯不豐開軒視明河白日
當天中怡然掩書坐夜氣方鴻濛

覽元次山春陵行有感近事追和其韻

惟王始建官民命有所司柰何闕流莩束手無一施屬者秋夏
交上狀殊酸悲赤日紛按行人馬同時疲連阡見標榜不救飢
與羸仍聞恣鞭箠燥切傷膚皮檢覈須再三供帳常恐遲哀哀
鬻兒女質質行安之感茲欲無訴既往何由追尚慙噢咻恩稍
緩租稅期云胡有倉卒徵歛更相隨但將克其數肯復計爾費
肉食不自鄙謂我非敢知拙栖甌石儲剝割無或遺言是隣壤
凶藉此敷恩慈寧知是州人俟死亡無爲出語餘喘息行步須
扶持猶令比樂土疾苦端謂誰俛首州縣間遠責自其宜况迫

五百九十一

貴州卷之二

卷之二

一

一

大府令聯絡飛符移豺狼方在郊鷹隼宜用時區區猶狐兔政
爾何增虧吾賤不及議爲君陳苦辭

登錢山望菰城慨然而賦

吳興水爲州諸山若浮萍况此一培塿瑣屑世未名所欣漁樵
居乃與緇錫并種竹有萬竿結茅無十楹老僧解人意蹤履能
相迎芳艸被行逕朱藤暗巖高蕭條空階暮日照莓苔青猶嫌
所歷罕未極遊眺情簪身白雲上始見春申城想當高會時樓
觀飛青冥竭海薦壘勺窮山羞鼎鉶安知千載後寂寞無人行
煌煌冠蓋區壤壤狐兔營歸來朱門客聽此松風聲

送山過姚紫芝別紫

送山誠復佳逸人不可逢何言一笑頃得此蒼髯翁今晨過其
廬碧苔滅行蹤坐我松竹間野藪羅甘豐初無驚世談頗多曠

士風念昔玄巖空輟咩白雲中白雲故無恙我乃羞樊籠祗應
山林癖未易藥石攻高期出解后意氣將無同十年舊泉石忽
忽蟠吾骨起視白日低歸禽亂而東拔地森四壁撐天唯一峯
復聞麻谷幽近與金蓋通山態方屢改泉源殊未窮泐然一區
內嗟我憧憧

次韻荅蔣明府先生

文章不經濟耽書或成淫偶從長者遊稍窺古人心不琢豈非
玉無絃孰為琴歲晏燈火微江濶魚龍深願言報嘉貺安得覆
南金

次韻荅儒公上人

抱琴辭故山落葉被四野淒其不能聲豈曰無和者誰詩織女
工苦念嫦娥寘請公毋多談呼酒觴老瓦

四

黃卷

一二

一和方韶父先生以滿城風雨近重陽為韻七首

掩書坐中宵階空葉落滿不見書中人蒼烟夢秋館
豈不有膏沐而慕非傾城翠袖日已薄勗哉歲寒情
栖遲憐繫瓜夢寐追飛蓬去去羊荊州吳帆渺霜風
當年白衣人賴以慰風雨不飲政復佳有酒無用涸
江瑤配荔枝膠處終不近好醜且勿爭天道有定分
蟬丞遂已矣目斷山千重烟霞故無恙勝會何由逢
寒光衰復榮東籬菊殘陽蟠柀亦何好千年期一嘗

七言古詩

可憐行

紅顏白面可憐子杖藜飢走荒山裏翠眉新婦雪色兒掩袖啼
瘦如也道滂米門照霜戟腸斷汝翁呼不起金魚家易供樽蒲

紈袴終然愁餓死春風秋月哀思多嗟汝少年柰老何

崑崙歌寄吾丘子行

翠鸞帶雲天四垂花龍靈靈神娃歸金僊憶君淚如水昌陽落花青蕊蕊曾城珠闌揚素氣開明信信環九門羲和走馬不待人鯨魚吸海海生塵若有人方悵脩阻紫玉參差老鳳語笑揮如意教雲舞雲間鶴雛生兩羽歸來歸來勿蹉跎秋風吹折珎琪柯

梓山行贈素生

昔聞山中采藥翁問姓但指簷前桐君家本以卓為氏胡不種種素翻種梓桐君采藥不學醫素君學醫無采詩朝來索我歌梓山使我閣筆頻指頤問君梓樹家何處青山難尋夢中路但見清風兩袖寬詩筒戢戢多於樹長歌短歌亦奚為坐看藥籠

黃學士文集卷一

十三

懸蛛絲種素種梓俱有術也應無術醫君癡

采芝曲贈永嘉林道士

碧峯巖起三十六老芝千年琢紅玉帝遣仙人下采芝迷花失石塘忘歸忘歸幾載無消息蟠桃積核高數尺何日青牛駕爾還肯念金華牧羊客

登方巖謁洪靈廟却至壽山寺

一峯屹立摩蒼穹四山拱揖如朝宗寅緣飛磴入鳥道獨扶瘦竹披蒙茸初驚細路踞垠堦欵見巨石蟠穹窿洞門高開得絕頂直恐上與丹霄通想像胡侯此弦誦草木遺韻猶颯颯前脩往矣不可作尚喜像設餘靈宮登堂謁拜仰風采奕奕華袞盤靈龍口祀方領儼旁侍英姿颯爽皆人雄或云衆神各有職出納雲雨天無切斬藤絕躡躡泣萬鬼飲馬大壑清羣凶初疑此事

出俚語粉飾詐誕誇兒童又疑靈異占或有荒忽變紛難為窮
咄茲茫昧無足問但憇俗子何憧憧歲時歌舞連數郡奔走童
叟多於蠶前呵後殿擬法駕羣華赤羽搖晴空慕惟英靈本正
直倏忽來往無西東胡寧終歲久盤礴縮取備物華其躬荒哉
舊俗豈徒竟嗟我欲語愁無從拂衣徑去拍巖麓密花澗草紛
青紅峯迴路轉逢古寺窈窕石室穿玲瓏連崗爭前擁奔馬飛
瀑怒落懸長虹荒尋遠討不易極况迴人事多匆匆向來獨立
渺何許烟霞城沒山重重却歸溪館弄明月臥聽簫鼓來天風

金華山贈同遊者三十韻

杖藜初出城西門萬株紅樹如雲屯芙蓉峯前問行路宛宛一
線隨潺湲水聲漸遠山漸近弱蘿纖葛手所捫頃與橫側變峯
嶺高岸忽復為平原細泉澗澗竹竿直石樹駢立疑同根剝金

敗碧逢廢刹猶以第一名其軒天明獨去弔遺迹玉女委蛻空
丘墻樓居西起望明滅石扉呀若山之樊罅幽穴險徑沮洳膝
行匍匐不得奔剗觀崖广架凜沈霞龍繞雷蟠蜿蜿紛綸恠狀
滿巖腹熊甬踞伏鸞凰騫其餘瑣細無不有形求像索難具言
前趨林麓却下絕俯矚九地窮涯垠青枝翠羽不復辨但聽風
水聲喧喧高燒松炬度其背珠箔忽墮華燈繁聳身上出指絕
頂碧桐高下彌山園遙穿蓬艾躡雲雨險艱從此不易論秋毫
細路莫容足下瞰不測俯無藩恠藤如鈎草如劍舉首仰懸攀
援山翁頽之笑引辭前牽後接猴與猿馳坑跨谷歌側逼背汗
喘息逾魚燭陰沉古洞闕星日雖有寒暑無朝昏却行左轉復
深入愈覺慄慄搖心魂珠纓縹渺現滿月稽首大士天人尊拂
衣徑逐飛鳥下青山出沒波濤翻或云漢人隱身處彷彿青

餘苔痕蛇蟠磬折又數里龕巖十丈開墉垣夜歸草堂殿突石
坐看雲月吐復吞怡然携手盡文士頗覺筆下來源源名山白
室如可託幸子歲晏來無護

送俞觀光

寒窓讀書吻政悲坐聞剝瑤走落扉衝風踞凍至者誰俞子訪
我繇剡溪相逢把辭語移時婦女驚咲羣兒疑俗物病我不可
醫眼明見此珊瑚枝朝來贈我天馬詩忽然掉頭去莫羈竇端
氣息干虹蜺詎能折腰向小兒文章技癢聊爾嬉榮勲聖處今
毋遲我愛子莫助之臨岐躑躅徒嗟咨

讀清江集

元祐儒者煥星斗後有作者非其偶二龍三鳳何續紛况乃淵
源魯中叟適從塵編識英爽想見世澤餘忠厚長公平生二三
策夫迂披腹驚羣后風流班班仲與季茅茨采椽絕丹黥獨追
古昔寓陽秋稍扶疵瑕到瓊玖却蟠餘力歸賦詠古硬清圓無
不有爰初人文啓河洛下逮百氏今戶牖空言可託匪未藝臣
筆待援須好手典刑未墜乃至今吾生已幸何云後青燈照夜
雨如綫輿論微辭煩擊剖追慕政復慙捧心贊美胡能付鉗口
從遊起死不取期儻挹殘膏注空朽

題李坦之詩卷

神仙中人世莫識政以文章為戲劇李生也復可憐人手種蟠
桃待春色山空歲寒誰念汝青楓墮影霜露白遠遊賦成一朝
去翠蓋雲旗暮何適蓬萊烟霧秋冥冥鄧君白鹿無消息袖中
驪珠三百顆夜深勿近蛟龍宅金華之山青盡天山人看山忘
歲年黃精芝草幸可食安得與子巢其間石牀醉聽松風眠無

為長歌怨如尖使汝惻愴凋朱顏

甲辰清明日陪諸公入南山拜胡侍郎墓回汎舟湖中作
日終甲子斗直辰持觴遠酌胡侯墳兩葉赴鷗背城四十有四
同州人半為吳語如李真湖窮岸出水陸分舍舟登途拍鱗吻
少年健走黃犢奔或乃喝道驚春雲老翁繭足仍後塵解衣經
眠草為茵前趨一里趨廟門杖藜不得辭微辛巖祠高居絕四
隣傍為一丘標石麟非階鞞躬羞藻蘋拜興有相祝有文亦或
稽首稱諸孫歸途採幽塊荒榛下睨塵土多蟲蟻放舟催發無
逡巡勝賞莫許窮涯垠開蓬列坐羅羶葷託名鄉飲無主賓誰
歎解事強討論欲以窮達為卑尊美人今代王右軍口吐秀句
天葩芬鴈行拱立何紛紛爭言我公詩絕倫厖眉被褐兩山良
閉目宴坐方申申艤舟黑亭鷗噪昏晴楊吹花灑衣巾裁詩紀

五方舟九

黃學士文集卷一

十六

寶聊云云慎勿浪傳來怒噴

送傅主簿

吾聞上古之士比屋皆可封有材不必登王公可憐衛青日尊
貴飛將自老風塵中傅公平生經濟手却抱一經今白首隨人
騎馬著青衫爽氣如虹射牛斗出門大笑望長安長安萬里行
路難行路難知柰何贈公一杯酒請公聽我歌崑崙之山兮高
巍巍黃河之水兮清有時洛陽少年休太息東山謝公來未遲
燕昭之事不足云 陛下聖德如華勛願公功成名遂身早
退魯連小兒能笑人

苔溪風雨中章德茂同汎

黑風翻江白雨傾檣欹拖側斷人行此時唯我與童子孤舟蕩
漾烟波裏烟波蒼蒼楊柳黃浩歌擊舷興彌長翩然一葉恣掀

舞青山白塔頻低昂朝過城南莫城址舟人問我將誰適童子
掉頭作吳語秋水夜來深幾尺忽看大字標竹林寺門對水仍
陰陰敲門見竹不見人竹間翠石向蕭森迴舟少林雨如注四
顧冥茫但烟霧魚鱉龍躍吾不知披蓑却入菰蒲去岸傍羣兒
拍手呼笑言狂客世所無嗚呼古人今則無後來視我知何如
為君留此有聲畫題作扁舟烟雨圖

由石溪出太湖抵陽羨十四韻

首陽山人餓至死陶公乃為飢所驅大賢出處自有意腐鼠何
得疑鵝雞誰初令我爾世網久抱磔石行崎嶇今晨笑與親友
別烟波決葦扁舟孤穹天大澤合為一回睨人境茫如無向來
蟻聚安足戀而取窘束同囚拘暮投高館燈閃閃坐談姬孔歌
黃虞是間華可容一息孰與臣翔肩侏儒干顏俛首飽腥腐吐
子所樂非我娛故人殷勤入我夢云我作計陋且愚此生通塞
久自斷豈愛一勺忘江湖春風二月花發野珊瑚玉樹惟空株
丈夫兒女各有事為君起坐生長吁

次韻子踐雪中見寄

前年江南雪一尺腐儒共走誇三白寧知有客卧欲僵凍骨稜
層撐鐵石今年復此雪塞門江湖無處浮吾樽野風蕭蕭日色
死者人射庖蒼山根牛衣覆寒夜復夜金玉餘音慙慰藉平生
萬卷定安施一甌送我當渠惜

金華黃先生文集卷第二

初集二

五言律詩

臨川危素編次

番禺劉耳校正

寄方韶父先生

牢落江南賦知音寄渺茫
鹿麋行處有芝草夢中香
選興滄浪濶悲歌白髮長
平生今古淚滴破綠蘿裳

雨二首

兀坐九十日雨聲殊未休
花時翻益睡茅屋不禁愁
生事吾何望春寒晚故留
江波青滿眼萬里付鸞鷗
泥濘今如此出門知路難
蓬蒿春自長桃李夢曾看
未覺龍公倦誰憐燕子寒
青燈取蕭瑟千載入憂端

雪

急雪下不止朔風終夜鳴
飢蟲應蚤螫老鷹故南征
生理真何計沉吟獨此情
山中歲酒熟不飲竟須傾

黃學士文集卷二

送友人

鄉路三百里獨歸衣正單
涼風紫洲水斜月白沙灘
燈火期方遠關山歲欲闌
倚門應望汝莫漫駐征鞍

寄友人

憐君山水意局促守柴扉
故國悲秋草涼風滿褐衣
滄洲斜日暎白社幾人歸
寂寞分遙念天寒木葉稀

秋懷五首

天末雲猶玄山中歲欲徂
周流吾道在嘆息古人無
野鶴疑秋樹新駒怯暝途
蒼茫念同志微薄忝為儒
對酒高天豁登樓落日曛
亂蟬悲暮葉老雁赴長雲
落鰓稻中散栖澤鄭廣文
身名竟如此碌碌汝何云

稍稍秋河落娟娟宿露微天清江不息野迴樹相依回首狂歌
黷經心昨夢非流螢無思極巧入絳帷飛
仰古嗟無及關情極可哀禍生才見忌賈傅直為災世肯憐樺
櫟吾曾悔草萊小詩聊戲爾何乃併生猜
風雨仍搖落江山且滯留懶從生事拙閒惜壯心休弱鷲繁歌
石空槎卧沃流興懷到微物世故劇悠悠

柴荆

赤日薄烏帽柴荆無定棲可能詩似錦乍取醉如泥薄業慙漁
艇深衣逐馬蹄蕭條江海興芳草故萋萋

憑軒

信有儒冠誤憑軒意欲迷山深風雨惡天濶羽毛低他日開炎
瘴蓮城送鼓鼙荷鋤吾媿爾未敢歎塗泥

風雨

風雨忽如此閉門方晝眠故應為計拙可復要人憐燈火羗村
路棄麻杜曲田悠悠今視昔把卷一茫然

抱琴

三尺枯桐樹相隨年歲深此行端有意何處託知音隱隱青山
夜寥寥太古心空携水仙曲更向海中岑

山中懷友七首

大府趨羣彥脩才復壯齡波瀾開白晝羽翼動青冥弱質悲殊
調明時敢獨醒未妨茅屋底寂寞抱遺經

望遠空山裏天寒夕夢孤林昏行颺颺江晚變藤蘿風雨憐同
病塵沙感壯圖后来懷古意回首未能無

踈放誰容我交遊重耳君君又輕咳唾問俗到耕耘一咲能青

眼想思有白雲春風動聞巷遂往謬紛紛
何事虛齋裏猶分首宿歸山林容僊蹇衆翼避扶搏黑疢之星
動青天劍氣寒終南山正好那得悔儒冠
自是麒麟種卑栖定幾年故廬南雪下短褐北風前歲暮山林
瘦天高雨露偏肯同兒女輩俛仰事春妍
卓犖恒山秀相逢幾抱琴五年風雨別四海弟兄心雪外梅花
遠山中桂樹深定知嵇疢夜高興滿雲林
洛社推年少清林照士林春風何處客芳草獨行深遺墨收秦
刻新吟學楚音別離無一字目斷白雲岑

悼霍林栗上人

飛錫徧諸方栖身復故鄉年隨霍樹老人與一琴已暗草迷春
塔凝塵鎖夜堂蕭蕭今日雨誰炷影前香

社日重過方子踐

東風吹客衣長憶見君時一別驚雲散重來與燕期春深今雨
夕荏老玄年枝莫待空山裏青燈有所思

聞子踐臥病

吾子仍多病何人共解顏水聲和藥臼春色閉松關積雨連三
月懷人隔萬山同遊况零落浩蕩可追攀

和吳贊府齋居十詠

焦桐

憐爾抱奇質無香亦自焚材高初偶得音古竟誰聞天海空遺
操冰霜見裂紋中厨方煮鶴終得舍夫君

蠹簡

六籍所寒久名山餘舊歲淒涼微有字芸草寂無香後死嗟猶

及斯文豈遽亡世方珍貝葉掩卷一淒涼

破硯

巨璞何年鑿磨穿偶至今線紋虛綠潤雨氣夫玄陰瓦礫看無異塵埃積轉深明光幾携入往事復何心

殘畫

勝境不可得微綃餘舊圖丹青初彷彿塵土半模糊蛟蝶飛疑去波濤折漸無良工今豈有為爾一長吁

舊劍

憶啓蛟龍匣提携徑出門紅塵走馬處白日報人恩歲月銅花澁雲烟斗氣昏淒涼中夜舞回首暗銷魂

塵鏡

古鏡色如墨千年獨此留玉臺蟲網暗珠匣土華浮莫笑塵埃

貴學三文集卷二

四

滿曾令鬼魅愁盤龍驚已化雲雨夢悠悠

廢藥

不解照珠翠早同文字盟何言中路棄無復向人明兩宿高齋夢秋吟廢館情相看幾今夕及此慨平生

敗裘

酸雨亦已久霜風兩袖穿甘從稚子笑未受故人憐雅製餘前古深期在暮年素絲今化盡念汝獨依然

斷碑

零落秋風臥何年廢廟碑圖經愁莫載耆舊說頻移野燒龜趺失荒苔鳥跡耕遙知千載後拂拭轉堪悲

臥鐘

龍簾久摧折沉埋柰爾何畊民誰睥睨野衲自摩挲雅奏多年

歌銘文幾字訛斜陽判較裏長伴舊銅駝

吳贊府挽詩三首

鶴去愁滄海鴻飛困朔風冥冥方獨往已已竟長終莫挂還鄉

劍真隨廢世弓向夾曾慟笑不是為途窮

百代龍川子風流見外孫餘生唯白帽舊業自青門浩蕩期千

載蒼茫笑九原仙華雲縹渺愁絕刻丹痕

懷古餘哀思憐君尚典刑清談無俗子白髮死遺經客社荒春

沙鄉山隕夜星夕陽隣舍笛淒切可堪聽

過謝臯羽墓

識子今無日風流可復尋山林餘楚製弟子解閩音滄海它年

夢青天後疚心平生匣中劍零落遂如今

元日即事

二十七

吳首學士七言長卷二

上

回首人頻異興懷誰與同塵埃欺白苧歲月入青銅兩急蒼茫

外春生浩蕩中長憐故園樹一一受東風

詠樓

懷古荒碑在登樓晚望餘秋陰垂野薄江勢抱城斜天地悲游

子冰霜感歲華紅塵吹袂褐歸興及清笳

明月樓

遺堞何年有飛甍壓上頭鼓鼙不大幕香火望靈湫曲岸舟如

失遙沙樹欲浮登臨且吾上未敢恨淹留

溪南即事

莽莽長川去行行薄暮時山光連睥睨寒色入旌旗夕鳥歸飛

急風帆送上還世情關物理悅仰寄長思

舍香道中

殘日亭猶遠輕風帽易斜稻畦低沒鶴草徑曲行蛇經世知無
榮謀生會有涯殷勤理黃菊畱眼待秋花

懷楊仲弘

離別驚如雨蹉跎媿後塵祗今才有數多爾術能神玉滙春風
濕烟霄碧樹新認慙推吏事吾敢望平津

八詠樓遇方子踐

風雨三年別登臨一咲同綠莎垂古井碧瓦暎疎桐世故違高
枕吾生劇轉蓬相逢感疇昔出處愧匆匆

杭州寄子踐

尊酒何人共春光着處同乾坤容野馬歲月失飛鴻俗眼能無
白風花故自紅向來常處士早已負諸公

次韻荅子踐

三十九

黃學士文集卷二

六

不謂飛霞珮珊珊然寂寞濱相看今兩夕漸近長年人往事驚如
夢何峯擬卜隣平生千里駕還往得辭頻

劉聲之爐亭夜話

儒冠寧誤我壯志自多違昭代尊經術先生尚布衣清言今夕
共大隱昔人稀預恐蒼山麓無從候少微

兩三首

湖濶雲如積天空兩正豪風颺兼晝夜井邑帶波濤茅屋垂垂
破漁舟故故高何妨張仲蔚環堵自蓬蒿

釋子吾憐汝泥行玄不難凭欄真自笑高枕敢求安天地三辰
遠江湖五月寒好將遮日手却把釣魚竿

田父愁何訴龍公怒未休千畦沉翠羽百水散黃流小市猶長
閑孤城併欲浮誰諄補天漏此事恐悠悠

金陵客舍澗書

不擬夫容佩終然挂荆冢百年多事始千里一身遙巢燕鷺華
屋鞞鷹望赤霄蒼蒼叢桂樹愁絕小山招

陪仇仁父先生登石頭城

談笑逢諸老登臨失故亭薄遊成汗漫高步覺吟聲峽水通吳
白淮山入楚青平生一杯酒及此慰飄零

春日郊行襍興三首

忽忽時頻異垂垂花正繁登臨聊極目出處可忘言風急江光
亂春濃野色昏鶯啼綠差契濶覽物思空存

五畝清江曲為農計未疎那無經世策宜付絕交書野笛吹頻
歌漁舟玄若虛卜居能有待天地本吾廬

高興真誰共佳晨祇屢經天清風細細花遠樹冥冥事今非

貴學士文集卷二

七

昔狂歌醉欲醒終南飛鳥外一髮向來青

次韻荅友人

十載論交地十皆第一豪江湖嗟契濶風雨夢蕭騷趨走知無
力標頭敢自高期君養翎羽一擊可徒勞

九日登石頭城

背郭罽塵遠高秋川嶽清幽懷初曠蕩陳迹故縱橫遙望龍盤
舊長隣蟻穴爭紂園隨處闢粉堞向來傾發草窺智井看碑驗
故塋門開蒼耳路亭愛翠微名遠樹淮南出滄江鳥外明人烟
川浩渺風物歲爭繁吹帽仍佳節傳觴但老兵愚生襍蛙鼃浪
走媿璜珩玄玄檣帆盡蕭蕭蘆葦鳴登高未成賦覽古獨含情
政復哀王粲何堪厭禰衡救廬滄海曲目斷白雲生

寄李生

有美維仙李孤標見碧梧高明留雨露短褐混泥塗姿悍寧為
 小機深或類愚洗心須貝葉游藝及樗蒲政爾難藏穎幡然獨
 抱竿後容觀近效僂倪事羣趨稍廢琴心曲能操牘背書誰將
 窮罔象莫使避珊瑚它日逢何暮清談動至晡醉醒勞問我喜
 怒得令渠契濶江湖迴飄零歲月徂青雲悲捷徑白日仰亨衢
 秋社枌榆外南包橘柚初飛騰如借順能勿咲蟾蜍

七言律詩

送孫君文判官大歸桐廬

笑語匆匆似夢中衣裳俄復判西風殘鐘落日那堪別瘦馬長
 途喜未窮歲事已空南畝稼歸期應老故山桐興來尚有平生
 棹載酒何時覓釣翁

感舊

黃真一三集卷之二

八

華屋山丘不可期峴山依舊綠參差空懷下榻延徐孺無復乘
 舟訪戴逵日暮更聞隣舍笛歲寒賴有角弓詩舊遊寂寞成今
 古冷石秋花處處悲

鳳凰山

蒼海東田事渺茫行逢遺老色淒涼為言故國遊糜廡溷拍空
 山翔鳳凰春盡綠莎迷堽軍道雨多蒼薜上宮墻遙知汴水東流
 畔更有平蕪與夕陽

開元宮

誰使藏舟一夕移紅樓翠幙未全非曾聞帝子乘鸞去疑有仙
 人跨鶴歸烟徑月明瑤草歇石壇露冷碧槐稀赤欄橋畔多時
 立閑看楊花作雪飛

早起

漢漠晴簪散薄雲獨搔短髮立清晨春風入樹無行迹曉月窺
簾欲近人枝覺新吟隨夢寐不知清霧濕衣巾何人正踏長安
陌想見看花拂面塵

九日

獨立憑高發興新霜清露白復佳辰綠尊照眼不解醉黃花滿
頭應笑人構邊老僧幽期失巖南故人新句頻秋天此日併回
首鴻鴈寄書愁未回

次韻山南先生遣興二首

稍覺春風入剪裁更無魂夢到塵埃苔枝自送黃昏影寶篆頻
消白晝灰世態漸應隨日別老懷可復向人開擁爐坐聽蕭蕭
雪載酒携琴也莫來

蒲團兀坐久忘機何暇重尋是與非老鷹長雲天渺渺晚花寒

九五

黃學士文集卷二

九

蝶思依依起看丹竈春無恙欲試青鞋雪未晞鵬鷗逍遙端可
耳玉堂何必媿柴扉

寄仇仁父先生

一官十載尚沈淪門巷蕭蕭白屋貧自有陶公為社友從呼杜
老作詩人兒曹故復輕前輩雋步誰當出後塵探隱詩成無處
寄莫雲凝碧坐愁神

寄十八丈判官

金觴淒涼四十年風流文采故依然香山老玄誰同社栗里歸
來尚有田懷古坐看西日落得春寧問北枝偏清泉白石多深
趣千載心期入近篇

寄仲山

異縣關心朔鴈飛酒燈棋雨計頻違寄書全覺嵇康懶入夢多

疑李白非黃葉開門方寂寂碧雲回首故依依相從賴有梅蒼
約試躅春風走翠微

寄友人

繫舟一別雲水鄉暮川酸菜方蒼蒼漳濱臥病它年憶渭北題
詩春日長燕菁作花已爛熳楊柳飛絮苦顛狂聞道菽苓暖堪
斷遲子青鞋經澗崗

夏日澆書

枕上初殘栢子香烏聲簾外已斜陽碧山過雨晴逾好綠樹無
風晚自涼芳歲背人成荏苒好詩和夢落蒼茫求羊何不来三
徑門掩殘書滿石牀

逢葉伯機

水烟沙雨送歸航楓葉蘆花已十霜瑤曲天風春夢遠墨池秋
黃學士文集卷二

草故游荒碧峯又是新迴雁白石依然舊化羊一笑相逢却成
別暮雲千里思茫茫

宿賈氏山房

暝色蒼茫赴遠岑獨追燈火下荒尋寒沙細水通幽徑脩竹高
栢走翠陰草草悲歡中夜語悠悠醉醒百年心石烟霜月寒無
寐坐聽疎鐘幽二林

送友人之京

偶緣送送接清遊烟雨東城晚樹幽離別自應多感慨笑談未
害名風流百年芳草頻頻合萬事孤雲故故浮太華黃河入回
首春風愁絕李膺舟

答友人

芝堂峯前一杯酒別離歲晚迎相別野梅如雪遙入眼曉應連

天寒叫霜閉門窮巷燈火冷回首蒼山雲樹長幾時抱被却同
宿愧爾詩筒遠送將

憶友人

無復高談慰索居枉心零落竟何如人閒海有金臺夢身後誰
傳玉枕書半畝蒼苔埋驛地一聲白雪斷絃初芙蓉峯下聞吹
笛滾滴春天草木踈

笑李無逸

青春未受二毛侵談笑俄聞變古今千日却醒徒有望九原莫
作竟何心平生欠荷劉伶鋪此夜誰彈子敬琴水樂亭西烟草
碧舊游回首重沾襟

過烏傷墓

丹青像設始何年翁仲遺墟自古傳
黃學士文集卷二 十一
有人來下馬不知秦
樹幾啼鵲牧童盡卧看碑路野衲春耕祭墓田回首長安西日
外茂陵松栢正蒼烟

襟興三首

昔從六客堂前客共買何山瘦口船杉松夾道得古寺風雨溷
山連杜鵑憶別老僧如昨日待分幽事及它年春江正綠不能
玄脉踐蕭條祗自憐

幾回擬作送春詩出戶春風玄不知葉底孤花猶入眼竹根稚
筍欲過眉久拋書卷都如夢間看香烟偶似癡寄語平生張仲
蔚一飲相屬竟何期

劉生玄滌相如器朱子新裁賈誼書百代風流今視昔十年懷
抱我憐渠故應曾對談諧樂也復能容禮法踈風雨蕭蕭守環
堵祗今可望故人車

寄陳君采

江淹文采碧雲消
潘岳才華玉樹凋
後爾千年開捷鑰
森然作者見風標
棋花夕日輝相並
金櫃名山路未遙
曠欲傾心數還
往高期無使竟蕭條

次韻答吳正傳

諸老凋零半九原
後來英發見蒼然
高標寧復居人下
緩步猶須出我前天馬
為誰生月窟
仙禽有日到芝田
論心待取同傾蓋
可使空迴雪夜船

寄葉審言

千里相思黃葉初
喜傳消息慰離居
姓名滲入山公啓
懷袖元無買諡書
已不耕耘供賦歛
胡令汲引到樵漁
臨歧躑躅頻回首
風雨蕭蕭馬正踈

獨立

數盡飛花一愴然
壯心迢遞夕雲邊
十年人事空流水
二月風光已杜鵑
過眼青春寧復得
污人黃土絕堪憐
故園尚有平生約
可使蒼苔到石田

即事

南陌東阡草色齊
惜惜門巷客來稀
受風燕子輕相逐
著雨楊花濕更飛
綠樹無言春又盡
紅塵如霧手頻揮
浮生莽莽吾何計
獨立看雲竟落暉

山中夜歸

溽山松葉行徑迷
獨穿穿屨幽步屣
驚風低州山雨過
寒月挂樹天星垂
泉鳴荒冢夜半落
露洗青林光陸離
茅簷抱膝者誰子
歌闕飯牛聲正悲

旅夜

歷歷飛螢度眼明獨堵高枕數殘更薄游已倦新彈缺舊業猶
餘未棄繁一雨送晴初月色百蟲專夜故秋聲情知三十非年
少已覺人間有後生

三月三日西湖舟中

黃塵烏帽媿平生對客猶稱舊姓名此事正堪三太息祇今忍
負四難并放舟乍落空蒙境送酒元無窈窕嚴金谷蘭亭嗟已
矣不妨時暫濯吾纓

金陵天津橋

五雲零落渺天涯陳跡蒼茫日自斜畫角已吹邊塞一紅藍新
長內園花可憐遺老埋黃壤曾倚春風望翠華好在三山後
鶴依然同住舊烟霞

送人歸豫章

已覺樓邊懶曳裾可能為我強躊躇一帆秋色紅塵外千里江
關白鴈初建業水清誰共飲潯陽潮斷定無書黃金未盡朱顏
在莫種桤華學隱居

哭陳茂卿

多病文園鬢未霜可人風味故難忘豈期夜壑舟無定竟使春
天草不芳賈業幾時來海上遺文須我訪襄陽誰憐後死仍漂
泊雲白山青自故鄉

宣城客中偶書

眼看春霄擁勝流漂零回首媿沙漚黃塵烏帽知誰為白飯青
芻渡此留未必秣康能作吏何妨李廣不封侯敬亭雲鳥知無
恙款段惟須遂後遊

梳頭得白髮

候逐飛雲別礪岡解纓聊爾濯滄浪襟懷已久無山水宮鬢誰
令有雪霜未必丹砂真却老可須白首更為郎前脩未遠斯文
在努力無愁岐路長

送韶父先生遊京口

不到南徐三十春好將夢寐弔遺民也知往事如流水程摠重
來是後身棹響關河風色莫雲離野眼疑毛新舊游偶失扶桑
踞煩向滄江一問津

山南先生挽詩

仰驚喬嶽失嶙峋千載風流可渡間鼎有丹砂輕縣令囊無意
苾苾將軍芾袍歲月孤青簡石室文章闕白雲淚盡侯芭悲獨
立短衣高馬租紛紛

貴忠一二集卷二

一四

喜方韶父先生至蕪懷山南先生

夢覺秋宵失薜蘿尚煩青簡慰蹉跎山中舊別期猶在歲晚相
逢感易多華表神僊成窈窕冥靈光風雨見峩峩百年玆重斯文
寄跼足脩程可柰何

韶父先生有詩渡次韻以和

兩翁故渡可憐人傾蓋長安四十春華屋山丘如隔日夜床風
雨得彌旬書籤葉裹仍仍在橘刺藤梢一一新湯寫餘哀寄冥
漠大荒誰見下麒麟

寄張如心

謬羨侏儒抱一囊舊游搔首獨淒涼連天斷雁初沉日匝地寒
花欲有霜聞道為郎頰白髮未殊高枕待黃梁紅顏好在張公
子坐聽松風春晝長

送王傅明靜江教授

丞相威名震百蠻，蕭條異代得吾賢。宦游忽過三湘去，家學應令四海傳。北望犬牙連上國，夜占鷄尾直中天。炎風朔雪皆王土，未覺青春雨露偏。

碧蓮峯下駐飛驂，風土遙知久自諳。會有新書裨禹貢，坐聞舊俗化周南。深篁盡日迷山鬼，毒草無時起瘴嵐。瓊環重斯文強食，飯謔誇丹荔与黃甘。

送楊州傅學正

全淮控制列城遙，尚想青春虎豹驕。一日江山走珠玉，萬家燈火沸笙簫。喜逢才俊登文署，好頌功平答聖朝。芍藥瓊花兒女事，可緣風月逗華鑣。

余山

黃學士文集卷二

十五

春雲罕落鴈無聲，沙岸參差石有稜。雲屐湯窮芳艸徑，一龕長愧白頭僧。晴濤閃閃翻孤日，山木昏昏捲翠藤。後夜清風滿遙念，夢遊空指上方燈。

龍潭山

二月清江照眼明，避風舟楫滿迴汀。新雲挾雨時時黑，密葉藏花樹樹青。習隱未成陶令賦，行訶聊共屈原醒。碧潭光景無消息，坐看魚兒點翠萍。

遣興

青雲如夢慨平生，白髮驚春忽數莖。漸覺交游隨日別，強從顏色逐人行。百年松檟誰能去，五畝煙霞故可耕。安念掃除渾欲盡，少游何得尚相輕。

次韻方子踐觀潮

潮生潮落有時休朝暮吳兒幾白頭被髮祇諍迎駭浪側身寧
解障奔流江吹碧瓦人聲曉雲閃朱旗海氣秋後夜月明天在
水有誰能此試登樓

次韻子踐秋社歸巖南

久悟清都是夢中未嫌短褐任飄蓬時情冉冉心如醉世議紛
紛耳欲聾會種粉榆依漢社共談禾稼續西風蹉跎偶負平生
約已復人間歲一終

予與劉君師魯為文字交十有四年而固未嘗相識也茲

過武林偶遂良覲有喜而賦

邂逅神交十載餘青楓落月幾愁予何言此日同傾蓋踴護正
生未見書天上玉堂容可到山中金匱得長虛故多餘亭宜商
略可待秋風怨索居

杭州寄里中一二同志

故山有路去無從燈火關心夢不通浪走紅塵真自笑舊游白
社竟誰同胷中好貯千巖秀眼底徐觀萬馬空風雨未休鴻鴈
斷此懷渺渺故難窮

同儒上人謁黃尊師于龍翔上方脩撰鄧公適至輒成小

詩用紀盛集

坐陪三老盡文雄政爾衣冠不苟同談笑流傳成故事畫圖想
像見高風丹崖方與霞標峻碧海誰能鐵網空課託下陳虛自
詫飛揚無力思何窮

客樓雨中

江城飄泊動經年盡日高樓閱過船睡起小窓初聽兩岸垂
柳已生煙坐拋歲月今如此每望雲山欲泫然尚喜游從得諸

彥時將樂事寄新篇

次韻荅蔣春卿

不謂紅塵拂面時軒然談笑一舒眉晴風石鼎浮花乳夜雨春盤冷碧絲握手遽成三宿戀論心那覺十年遲酒船魚網歸無計未必山前白鷺知

送楊山長歸錢山

百里鄉心海鴈飛三年官况野鷗知兒童早已占歸信弟子應能頌去思茅屋荒田春草草杏花深巷雨絲絲人生適意須行樂駟馬高車恐未遲

童德懋同登車蓋山

城南日日望蘇灣碧樹童童蓋一山何意茲辰成邂逅與君携手共躋攀鉤衣亂石通高步着面和風啓醉顏尚愛碑銘多楷則俗書且勿聞妖嬈

重遊毗山

十載重來思惘然勝遊邂逅一開顏高林有色煙雲淨曲徑無香草樹閑漫遣金樽催白日絕憐紅粉澆青山南朝舊迹今誰記腸斷風流不可攀

湖山遇葉士心回寄郭祥卿架閣

謝公城下蹋春暉最憶東園夜不歸落月清樽波漱漱高花銀燭霧霏霏未愁強醉羅衣濕政恐重來燕麥稀大地風濤竟誰料九霄一鶴看橫飛

大卿年公挽詩

靈光一夕失崔嵬多士相逢淚雨摧夾道共看丹旆去遺民猶憶繡衣來蕭蕭悲吹蘋花冷渺渺鄉山杜宇哀裝盡貞元舊朝

士臨岐無語重徘徊

後生無復望儀刑青史徒煩列姓名窮有遺文成鉅冢死無新
爵上銘旌瓜田方任蓬蒿没玉樹偏依雨露生舊笏滿床知未
墜翰林風月向來清

次韻牟主簿南湖客中

遙望仙槎度碧湖翩然高興不枝梧也知白髮行相待無奈青
山不受呼過眼光風殊獵獵惡衣多露已逢塗相逢幸及南枝
好一笑聊須引百壺

次韻姚子敬教授筠庵別業

故園烟樹渺江關長愧求閑未得閑客路獨愁黃葉下高人正
在白雲間卜隣倘遂容依止共往還未害看山仍拄
笏一竿付我釣滄潭

次韻別程晉輔教授

落拓江湖久不歸相逢遂及法春衣忽聞煙際蘭橈動誰共花
前玉笋飛青眼故多知己在墨頭未覺壯心違赤霄孔翠吾何
望喔喔隣雞爾自肥

花信

已覺尋芳去較遲千林紅紫想紛披幾經夜雨能無恙試問春
風竟不知斜日遊蜂應有夢野亭立馬已多時殷勤却是江南
客曾擘水霜寄一枝

草意

澹煙斜照舊離離吐漫芳心欲向誰可是忘憂能自得若教指
佞定無私東風江上何人識南國春來有夢知留取青青承兩
露未應紅紫浪相疑

五言絕句

山中偶題

古苔隱石色寒花明藥叢有時白礪雨終日青松風

夜坐

涼風動千里孤坐思滄洲白露洗明月青天此夜秋

七言絕句

寒食舟中

東風溪水碧漣漣溪上青蘿獨繫舡正是落花寒食夜水煙沙月又啼鶻

笑御史王公

有人新自甬東來別後音書第一回欲問布帆無恙否豈知塵世隔蓬萊

被髮胡為竟渡河由來魑魅喜人過不須待聽山陽笛一曲笙篴哀思多

早歲棲身擲鳳池桑田為海已多時路人方為棄驄止流水生涯遽可悲

玉堂政要謫仙人何意先成采石墳人物渺然時事異漫令平地有青雲

金阜原頭草未生兒郎俄已去騎鯨黃泉會有相逢處轉見人間子母情

掉頭東下苦匆匆徑挾羣仙入貝宮眼底珊瑚高百尺釣竿吹折一絲風

膠液中流事可歎海雲飛雨失青天陸郎地下驚相見應許來遲二十年

孤兒思父母憐兒忍見銘旌獨返時畢竟江魚與螻蟻世間何物最堪悲

楚客猶疑刻劍痕秋風已到孟嘗門殘潮落月天涯夜剪紙誰招萬里魂

天吳罔象政縱橫誰認鼇山頂上行海氣昏昏風雨惡夢中無路弔先生

金陵客中送友人歸里

青陽河畔杜鵑啼歸路如弦定不迷應到故山叢桂裏笑人騎馬學聽雞

有感

橘袖青黃照眼垂秋風籬落自紛披頃聞王食登蠻果不獨涪州有荔枝

黃忠

二

漢室需才拔隱淪鼓刀屠狗正求伸可憐風雪南山下未有它年射虎人

葉審言張子良同遊北山智者寺既歸復與子良至赤松由小桃源登煉丹山謁二皇君祠回宿寶積觀

天風吹我度崢嶸春著千巒瀚瀚青紫陌紅塵寧有此十年空負比山靈

芙蓉峯下南朝寺水秀山明兩絕奇更向水窮山盡處一菴高貯碧雲師

却問仙山去幾程白雲如簇近相迎直湏不脫登山屐行盡松聲與水聲

山中今是太平民尚與人間隔幾塵流水桃花三百曲莫教重誤武陵人

偶看飛花逐水紅不知身過亂雲東
回頭旋覺峯巒別惟有青天面面同

雙鶴冲天歲月多至今香火壓嵯峨
劉郎不是無兄弟柰此丹雞白犬何

坐愛春泉響翠微玉花吹濕薜蘿衣
何人為擘冰壺破共看青天白練飛

削立城心雙白塔幾經日月費撐支
一朝頓在闌干底始悟從來見處卑

遙憶仙華鶴髮翁清泉白石滿奇骨
若為此日千峯頂更試平生九節筇

一宿山中竟莫留可能長伴赤松遊
殷勤好去張公子休愛人間萬戶侯

避暑園

一丘一壑古遺民十里清風不屬人
閒對青山揮白扇世間何物是紅塵

圍碁圖

有客看棋洞口歸天荒地老已多時
人言此客殊癡絕畫裏看棋我更癡

陶學士驛舍圖

一笑相逢亦偶然浪將恩怨向人傳
無端更被丹青污狼藉春風數百年

次韻章兄雨中書懷

卧聽風水共喧喧起視青空白雨懸
祇謂桑田可無恙不知江勢欲吞天

茫茫平陸一尺水瑟瑟涼颼五月秋莫為天公無皂白誤將陰
雨怨鳴鳩

故山回首杜鵑啼客舍誰憐寄一炊賴有四門章博士不緣風
雨廢談詩

春盡餘寒去却回江天五月未聞雷南風抵在浮雲外彈折朱
弦喚不來

草長故山懷獨往苔生今雨歎離居誰能共飲桃源酒一醉十
年不願餘

偈二首

久謂聲聞難作佛今知龍女解成男分明信有旁人分五十三
身第一叅

息心無想成無記有見還同有相存不盡普賢殊勝行隨方願

啓一城門

金華黃先生文集卷第二

